



Concello de Sarria

Nº de expediente: 1813/2022

DECRETO DO SR. ALCALDE – PRESIDENTE DO CONCELLO DE SARRIA DON CLAUDIO MELQUIADES GARRIDO MARTINEZ

Vista a proposta de Bases da Concellería de Educación, Festas, Muller, Xuventude, Integración e Igualdade, de data 2 de decembro de 2022, para a organización da III edición do Concurso de Fotografía "Desde Sarria con amor" 2022.

Vista a fiscalización favorable da Intervención Municipal no Informe de Intervención número 2022/0359, de data 9 de decembro de 2022.

Tendo en conta que a adxudicación dos premios estará condicionada á existencia de crédito axeitado e suficiente no exercicio 2023.

Por todo o exposto e considerando a competencia da Alcaldía en materia de disposición de gastos e ordenación de pagamentos de acordo cos arts. 21.1.f) da Lei 7/1985 de 2 de abril, reguladora das Bases de Réxime Local e 41.17 do Real Decreto 2568/1986 de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

RESOLVO:

Primeiro.- Aprobar as bases reguladoras da **III edición do Concurso de Fotografía "Desde Sarria con amor" 2022** que se expoñen a continuación:

I. REQUISITOS PARA A PARTICIPACIÓN NA III EDICIÓN DO CONCURSO DE FOTOGRAFÍA DESDE SARRIA CON AMOR 2022.

A) **Participantes:** Poderán participar todas as persoas físicas que o desexen, de forma individual ou colectiva (asociacións veciñais, culturais, etc). Se o participante é menor de 16 anos precisará a autorización da nai, pai ou titor/a legal.

B) **Condicións:** A foto terá que ser tomada en Sarria, no exterior, este ano, e nela deberá verse dalgunha maneira a iluminación instalada con motivo do Nadal.

II. INSCRICIÓN.

A) **Data e forma de inscrición e presentación:** A inscrición realizarase mediante o envío da foto por correo electrónico acompañada do Anexo I, no caso de ser participante menor de 16 anos, a autorización da nai, pai ou titor legal. A inscrición non será efectuada se a/o participante non recibe un correo coa confirmación da recepción por parte do Concello de Sarria. As fotos remitiranse á dirección de correo electrónico **fotografia.nadal@sarria.gal** entre os **días 12 e 30 de decembro de 2022**. Non se admitirán inscricións presentadas fora do prazo e medios establecidos nestas bases.

As bases do concurso poderanse descargar na páxina web oficial do Concello de Sarria www.sarria.es e na sede electrónica: <https://sarria.sedelectronica.es>.

B) **Aceptación das bases:** O simple feito de participar co envío da foto significa a aceptación das bases deste concurso. No caso de que nas fotos aparezan varias persoas o responsable será o remitente.





Concello de Sarria

C) Reproducción das fotos: O Concello adquire os dereitos de reprodución das fotos presentadas que poderán ser publicados en medios ou redes sociais, así como na páxina web do Concello de Sarria.

D) Tratamento de datos: Os datos dos participantes serán incorporados a un ficheiro responsabilidade do Concello de Sarria, coa única finalidade de xestionar o proceso de participación no Concurso de Fotografía "Desde Sarria con amor" e contactar coas persoas autoras das obras premiadas. En ningún momento se empregará esta información para posteriores actuacións. As autoras e autores poderán exercer os seus dereitos de acceso, rectificación, portabilidade e supresión dos seus datos mediante escrito ao correo electrónico, ou ao Concello de Sarria Rúa Maior 14, 27600 SARRIA (LUGO).

O Concello de Sarria comprométese a tratar en todo momento os seus datos de carácter persoal de forma absolutamente confidencial e de acordo coas finalidades previstas nas presentes bases.

III. PREMIOS.

Establécense os seguintes premios:

1º Premio: tarxeta regalo por importe de 250 €

2º Premio: tarxeta regalo por importe de 200 €

3º Premio: tarxeta regalo por importe de 100 €

4º Premio: tarxeta regalo por importe de 50 €

As tarxetas regalo soamente poder ser utilizadas en establecementos do Municipio de Sarria.

IV. FOTOS GAÑADORAS.

As fotos gañadoras serán elixidas por un xurado profesional que terá en conta a calidade de fotografía, a súa orixinalidade entre outros criterios, que con arranxo ao seu saber e entender deban ser tidos en conta.

V. COMUNICACIÓN AOS GAÑADORES.

Chamarase telefonicamente a cada un dos premiados para comunicarlles o premio obtido e publicarase a información na páxina web e nas redes sociais.

VI. OUTROS.

Todas as dúbidas, problemas e queixas que xurdan na interpretación destas bases resolveranse directamente pola Concelleira Delegada.

Segundo.- Publicar as Bases da II Edición do Concurso de Deseño de Postais de Nadal 2022 no Taboleiro de Anuncios da Sede Electrónica.

En Sarria, a data da sinatura dixital ao marxe.





Concello de Sarria

ANEXO I

III CONCURSO DE FOTOGRAFÍA DE NADAL DESDE SARRIA CON AMOR 2022.

DATOS DA/O PARTICIPANTE	
Apelidos e nome	
NIF ou NIE	
Data de nacemento	
Teléfono	
Correo electrónico	
AUTORIZACIÓN MENORES DE 16 ANOS. DATOS NAI, PAI OU TITOR/A.	
Apelidos e nome	
NIF ou NIE	
Teléfono	
Correo electrónico	
En calidade de	
AUTORIZO A PARTICIPAR. A firma desta inscrición supón o coñecemento e aceptación expresa das bases.	
Sarria, _____ de _____ de 2022. SINATURA:	
Consentimento e Deber de Informar aos Interesados sobre Protección de Datos	
<input type="checkbox"/> Fun informada/o de que esta Entidade vai tratar e gardar os datos achegados na instancia e na documentación que a acompaña para a realización de actuacións administrativas.	
Información básica sobre protección de datos.	
Responsable	Concello de Sarria.
Finalidade	Tramitar procedementos e actuacións administrativas.
Lexitimación	Cumprimento dunha misión realizada en interese público ou no exercicio de poderes públicos outorgados a esta Entidade.
Destinatarios	Cederanse os datos, no seu caso, a outras Administracións Públicas e aos Encargados do Tratamento de Datos. Non hai previsión de transferencias a terceiros países.
Dereitos	Acceder, rectificar e suprimir os datos, así como outros dereitos, tal e como se explica na información adicional.
Información Adicional	Pode consultar a información adicional e detallada sobre Protección de Datos na seguinte dirección https://sarria.sedelectronica.es/privacy
<input type="checkbox"/> PRESTA O SEU CONSENTIMENTO para que a entidade realice consultas dos datos do solicitante/representante a través da Plataforma de Intermediación.	
Sarria, _____ de _____ de 2022.	
SINATURA:	

